

清泉縣志序

邱文莊曰有千載不刊之書無百年不葺之志蓋人文有升降事會多推遷文獻不足傳聞失實何以上下古今闕疑徵信備叅攷而成一代之史顧作志續修不難而創始為難新定之邦一切編緝關乎國計民生其可

清泉縣志 卷首 刻序

草率從事耶衡陽為附郭之邑地廣民稠交廣滇黔旅紉賈集為大令者雖德盛才優亦難言勝任而愉快今聖天子御極之二十一年湖南大中丞為臨桂宮傅陳公深悉其病奏請分縣恭蒙

俞允錫名清泉千年景運從此一開明府

江君以廣陵名宿初則經營規畫立

之章程蒞任之久政通人和邑稱盛治鄉人士以邦域初建創造修舉皆關掌故亟以志乘請明府欣然應之開館於石鼓書院延衡山太史曠君主其任未幾太史將北上有闕文疑義待詢謀僉同者授吾黨討論之又

清泉縣志 卷首 刻序

二

閱月而太史之稿浸失其舊明府迺與邑之同學諸子另闢館地明府則訂立類例沿流溯源蒐羅舊籍辨駁前人之錯誤幾於撥雲見天古蹟所在斷港懸巖幽林破冢必躬親咨訪又閱期而後成彙經數易取而讀之固覺耳目為之一新並衡舊志觀之

相較之下始知冰寒於水藍反謝青  
非尋常抄撮湊輯之可比蓋明府才  
品英年早已著聲當代莫不以事業  
文章期之會

國家摻才孔亟不待卿會即以拔萃膺  
民社明府乃隨分自竭撫綏化導在  
在應以全力運以精心七載以來邑

之規模一變志乘之作在他人視之  
不過應付塞白已耳而明府不敢即  
安舉凡志乘陋習一皆斥去而又準  
之史漢平易近人不立一異必求義  
可傳信文可行遠乃止或以方對山  
之武功空同之信陽明府第笑而頷  
之明府勵精公事數年來終始如一

鷄鳴而起午夜始休聽斷之間情無  
不得判畧之下絳落如飛而茲書之  
訂疑攷實猶且不遺餘力宋子京兩  
行紅燭固名士風流哉而當時唐書  
之役則未聞難兄之大宋從而筆削  
其間也今明府兄賓谷君績學好古  
名山之業綦富明府與之商榷折衷

每一事實如馬鄭之注疏一文藻如  
韓賈之推敲東軒晨夕備極苦心不  
獨戔戔焉夸事增文減而已良璧自  
海疆乞歸年將就耄見所常見於故  
鄉者物力日舒人心日厚與疇曩迥  
別蓋受分縣之益甚深而沐明府之  
休息而教育之者不淺復得斯志之

成籍以廣一時之見聞實以備千秋  
之文獻而凡有作志者並可以為  
則也豈非吾鄉之幸哉因不揣謏陋  
而書於簡末

乾隆二十八年歲次癸未正月

賜進士出身進階中憲大天福建分巡興

泉永道前臺灣道俸滿加二級致仕

清泉縣志

卷首 劉序

五

邑人劉良璧謹撰時年八十



清泉縣志叙

自古有分土無分民然土分而民亦異焉王制云廣  
谷大川里制民生其開異俗要猶有彼此相距之遠  
若齊魯同方至春秋而大異邶鄘屬衛國風特偶闕  
耳未見其不異晉兼諸國析為韓趙魏而漢書所載  
迥殊此其氣運有變遷抑人事之自有轉移也方今  
聖天子道一風同修其教不易其俗齊其政不易其宜向

管

詔修各省通志郡縣皆纂修志乘以備采錄蓋郎太史陳  
詩以觀民風意也乾隆二十一年大中丞宮傅桂林  
公以衡陽地廣事繁號稱難治析其東南為邑請于

清泉縣志 卷首 江序

一

朝制下曰可錫以今名物自常寧奉檄經始規畫既定遂  
命承乏二十三年冬又使物攝衡陽事觀聽之下覺  
雖同一城其風氣不無有異况乎山川疆理之各判  
戶口物產之各殊不及今紀之何以示後真西山口  
為此邦吏者不可以無此書朱子知南康軍下車即  
詢郡志論者以為知務則有邑郎當有志誠非緩圖  
矣考鄭司農注周禮謂志記也左氏所謂周志孟子  
所謂晉之乘楚之檇杭魯之春秋皆是也班固作漢  
史變司馬之書八章為十志而與紀傳表分列四科  
本紀固全史之綱而傳表則人物盡之至如天文地  
理禮樂食貨之屬悉載于志所謂作史之難莫于志

也今郡邑志則併人物而兼之蓋猶不失乎周禮之舊志固與史相通也顧邑屬新置百凡皆創而志每用因因衡陽志之舊似易而舊或不足因則有因皆創矣衡山曠太史具才學識三長又往來郡城又因延以任編纂會太史謀北上匆遽屬藁所有待請者付邑人上成之或議增或議減爭從而損益焉續鳧載編浸浸乎失太史之舊于是重為編輯摭舊聞咨詢故實開館于外以為邑人士告語之便署齋公暇則矻矻筆疏蓋自蒞任以來七年之久凡有所見雖適郊聽訟之閒無不有資于記錄閒有訂正則與家兄共商之又匝歲而後竟太史原稿雖不可復而以潛心併力稽古類列為之或不為太史所嗤敢曰卷文獻昭憲章永垂為一邑之史哉檀弓兩卷皆言物始邑固始基聊以此為嚆天異日有作當不致憾參考之無因焉耳時

乾隆二十八年歲次癸未上元日廣陵蔗畦江恂撰

纂輯清泉縣志示彙

為廣采遺聞以成志乘事照得邑之有志所以考古證今著列代之章程備千年之掌故官斯土者因地制宜隨時施政胥於志乎攸賴我清泉自奉

旨分縣以來為新造邦志乘之作規模倡始將以昭示來茲尤不可不加詳悉本縣叨蒙 大中丞桂林陳公奏請

特調創興更定五歲於茲幸賴年穀順成 各上憲加意指示稍有弊革利興風移俗改之漸乘此編葺志書以昭法守甚盛舉也適當紳士公呈詳請現在擇期開館聘延名公以為總裁並分採訪纂修經理諸任

清泉縣志示彙

惟是一切雖本衡陽志之舊而分縣以後凡屬東南境內者有待於續入即衡陽志之應采入清泉志者亦須詳核增刪而遺文軼事漏畧繁多亟宜增補本縣年來於簿籍詞訟中留心體察頗有見聞可以采入志書但不能周詳未足筆諸簡冊我邑人文素稱淵藪必有潛心考核之士務期勿吝舉以相問即或一言一事之微凡有關於纂錄者亦不妨開送但其可信者必註明憑依其存疑者亦必加以辨論悉投志館轉送以便核定編入為此特將應采各條分錄於後爾士庶務各據實開送切無視為具文因循觀望致負本縣周咨博訪之虛衷也

一清泉雖分東南兩境只疆里山川隸衡陽者必不可兩載至選舉人物今現居城鄉確有煙藉分界井然者亦不敢借重其他職官則舊治斯地未便獨刪其流寓災祥藝文等類則自分縣以前亦一全載凡從前衡陽志所遺但有憑據均須開送核補

一衡湘為炎帝所都厥後藩封不絕舉步之間無非古蹟惜世遠年湮無由攬取倘有博雅者或徵引載籍或憑據碑碣或本父老之傳聞或為近今之著見但可示信即為一邑之光

一藝文志始於漢書所以紀載書籍今作志者率以

清泉縣志 示彙

二

詩文充之而書籍缺如今志擬列書籍一類凡邑中前賢文集及所著之書有已經板行者有家藏寫本者毋論本人仕隱存歿亦無論經史稗官雖緇黃閨秀斷簡殘編概行徵取即無其書而登載其名亦令觀者慕人文之盛

一府縣舊志最有足憑如府志則元時舊志明時范志劉志伍志縣志則楊志前之舊稿俱在所需他如今撰著湘州記湘州圖經湖南故事石鼓雁峰諸志亦必有可蒐羅凡此之類有收藏者或刊本或寫本無論完缺悉借叅稽告成之日一一給還斷無遺失

以上各條諸士庶務須留心咨訪凡有一得慎勿憚煩悉送志館轉投本縣無徇名失實無以偽亂真庶肇端托始之書無不純不備之憾徵文考獻為史冊之先資豈不美哉

乾隆二十五年 月 日

清泉縣志 示彙

三

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】 >> <https://www.fozhu920.com/list/>**